


Ո Ր Ո Շ ՈՒ Մ

Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

18.02.2019թ.

17-2-660
18.02.2019թ.



Ճանապարհային ոստիկանության պետ, ոստիկանության գնդապետ Եգոր Կարապետյանս, վերանայելով Սիեր Ղազարյանի դիմումի շուրջ ստեղծված նյութերը՝

Պ Ա Ր Զ Ե Ց Ի

2019թ. հունվարի 17-ին Տավուշի մարզի Ոսկևան դյուղի 9-րդ փողոցի 31 տան բնակիչ Ս.Ղազարյանը դիմում է հասցեագրել այն մասին, որ 2019թ-ի հունվարի 12-ին կայացվել է ԱԴ թիվ 754085 որոշումը, որի հետ համաձայն չէ, քանի որ ինքն երթևեկել է անվտանգության գոտիով ամրակապված, իսկ տեսուչը պնդել է, որ ամրակապվել է կանգնացնելու ազդանաշանը լսելուց հետո:

Դիմումի ուսումնասիրությամբ պարզվել է, որ 2019թ. հունվարի 12-ին ժամը 10.35-ին Երևան քաղաքի Գայի պողոտայում Ս.Ղազարյանի վարած «Միցուբիշի» մակնիշի 35 CX 122 հաշվառման համարանիշի ավտոմոբիլը կանգնեցվել է ճանապարհային ոստիկանության ճՊԾ 1-ին սպայական գումարտակի 3-րդ սպայական դասակի տեսուչներ, ոստիկանության կապիտան Հրանտ Աբրահամյանի և նույն դասակի տեսուչ, ոստիկանության ավագ լեյտենանտ Վարդան Գրիգորյանի կողմից ճԵԱԱՍՕ-ի խախտման համար, այն է՝ վարորդն ավտոմոբիլը վարել է անվտանգության գոտին չամրակապած վիճակում: Վարորդի նկատմամբ կազմվել է վարչական իրավախախտման վերաբերյալ արձանագրություն և, համաձայն ՎԻՎ ՀՀ օրենսգրքի 123.3 հոդվածի, կայացվել է ԱԴ թիվ 754085 որոշումը՝ վերջինիս 5.000 դրամ տուգանելու մասին:

Ըստ տեսուչների գրավոր բացատրությունների՝ իրավախախտումը հայտնաբերելուց հետո ավտոմոբիլը սահմանված կարգով կանգնեցվել է, տեսուչ ՀԱբրահամյանը մոտեցել է վարորդին, ներկայացել, հայտնել իրավախախտման բնույթն ու փաստաթղթերը ստուգելուց հետո կազմել է համապատասխան արձանագրություն: Մինչ արձանագրություն կազմելը, վարորդը ընդունել էր իր կողմից թույլ տված իրավախախտումը և արձանագրություն կազմելուց հետո հայտնել, որ համաձայն չէ խախտման հետ: Ս.Ղազարյանը նշել է իր անհամաձայնությունն արձանագրության մեջ, համապատասխան որոշումը կայացնելուց հետո ստորագրել և ստացել է որոշման իր օրինակը: Տեսուչները հայտնել են նաև, որ նշված ավտոմոբիլի վարորդի իրավախախտումն եղել է ակնհայտ, պարզ տեսանելի, անմիջապես իրենց տեսադաշտում:

2019թ. փետրվարի 5-ին ծանուցագրի միջոցով, քաղ. Ս.Ղազարյանը ճանապարհային ոստիկանության պետին հասցեագրած դիմումի քննարկմանը մասնացելու նպատակով՝ հրավիրվել է ճանապարհային ոստիկանության ճՊԾ բաժին, սակայն չի ներկայացել:

«Ճանապարհային երթևեկության անվտանգության ապահովման մասին» ՀՀ օրենքի 17-րդ հոդվածի, ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, կատարված ուսումնասիրություններով պարզվել է, որ Մ.Ղազարյանի արարքում առկա է Վարչական իրավախախտումների վերաբերյալ ՀՀ օրենսգրքի 123.3 հոդվածով նախատեսված դեպքը, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով,

Ո Ր Ո Շ Ե Ց Ի

1. Մ.Ղազարյանի դիմումը թողնել առանց բավարարման, իսկ ճանապարհային ոստիկանության ՃՊԾ 1- ին սպայական գումարտակի 3-րդ սպայական դասակի տեսուչ, ոստիկանության ավագ լեյտենանտ Վարդան Գրիգորյանի կազմած վարչական իրավախախտման արձանագրության հիման վրա 2019թ. հունվարի 12-ին կայացրած ԱԴ թիվ 754085 որոշումը՝ Սիեր Ղազարյանին հինգ հազար դրամ տուգանելու մասին՝ անփոփոխ:

2. Սույն որոշման օրինակներն ուղարկել ճանապարհային ոստիկանության ՎԳ բաժանմունք և դիմումատուին:

3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:



Ե. Կարապետյան

Կատարող՝ Յ.Սաֆարյան

հեռ.011-567944